

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 2225 del 26/07/2023

Traduzione in ladino

L Consei di Comuns del Euregio l se à binà a Ciavaleis

En vender ai 21 de messèl l é stat aproà na mozion per n pian comun de contra l becherle endèna la sentèda del Consei di Comuns del Euregio, stata a Ciavaleis tel chèder de la Dì di Comuns 2023, per chela che l é stat endrezà scontrèdes e evenc desvalives, per sostegnir amò de più la colaborazion anter i teritories.

La mozion la envia l'aministrations de la Provinzia autonoma de Trent, de la Provinzia autonoma de Busan e del Land Tirol a tor su scomenzadives per meter a jir strategies percacentes sora la seides fora contra l sparpagnament del becherle, ma ence per chel che vèrda l bater ju la piantes e la दौरa del legnam roinà.

“L'emportanza de chest orghen del GECT l'é chela de poder meter a jir projec e scomenzadives pissèdes per l sentadin. Didèr l'aministrations di trei raions a fèr più sorì l dialogh per troèr fora soluzions concretes a problemes reèi l é de segur tel esser de noscia istituzion” à declarà Elisa Bertò, secretèr generèl del Euregio.

L Consei di Comuns l é n orghen consultif de la Jonta del GECT Euregio, metù adum da chinesc membres, cinch per vigni raion, metù su aldò del prinzip per chel che se vel fèr arvejinèr i sentadins a l'istituzion euroregionèla e i vegn donca scuté en cont di besegnes e de la proponetes che pel vegnir jontèdes ite ti programmes de lurier del Euregio, aldò di besegnes del teritorie, acioche ge sie coerenza tel lurèr a nivel euroregionèl.

Te la scontrèda de Ciavaleis l é stat ence n passaje simbolich de la encèria tras la consegna de la ciampèna del Consei di Comuns del Euregio anter l president del Consorzie di Comuns Trentins Paride Gianmoena e l President del Consorzie di Comuns del Sudtirolo Andreas Schatzer. Chesta azion simbolica la vegn dant del passaje de la presidenza del Euregio che vegnarà fat a la fin de setember anter l president Maurizio Fugatti e l president Arno Kompatscher.

Fotoservije per endrez del Ofize Stampa

Traduzion di Servijes Linguistics e Culturèi del Comun general de Fascia

(cdt)